

Эхэ найхан нютагаа эд хамта мандуулаа!



БУРЯАД ҮНЭН

1996
СЕНТЯБРИН
7
Намарай эхин улаан бишэн
барыл 25
СУББОТО
гарагай 7
№171 (19511)
Газетын сэн
хэлсээгэ.

1921 оной
декабриин 21-һээ
гарана

Бүгэдэ
арадай
газетэ

Мүнөөдэрэй
шухала
асуудал

ХУУЛИ САХИХА УЯЛГАТАЙБДИ

Буряад Республикын Юстициин министерство тус бүр республикын арадай сүүдүүдэй терминально-техническэ хангалга бөөлүүдэг ааб даа. Гэхэ зуура сүүдүүдтэ ажалладаг судьянарые дурадхаха, Буряад Республикын Арадай Хуралай болон Правительствын баталан хуулинуудай хэр зэргээр бөөлүүлэгдэжэ хэриг хинан шалгадаг, эдэб ниитын эмхинүүдые үндэстэдэ абадаг, тэдэнэй ажал ябуулагыень үндэстэнэй өһөөр ябуулагдахын түлөө оролдожо байна. Олохон ушарта манай министерствын мэриилэгшэд хуули ёһоной асуудалнуудаар шал заабари үгэдэг, хуули наринаар сахихын өһөө оролдодог.

Республикын Правительствын даабаряар республикын Юстициин министерство Буряад Республикын Конституцигай зохилдуулан, конституционн суглаан тухай хуулин проект бэлдэжэ байна. Үндэстэн Хуулида хубилалганууд нэмэлтэнүүдые оруулха хэрэг дэлхэйн бүхэ үндэстэдэ дайралдажал байдаг. Манайшые Буряад Республикын Конституцида хубилалганууд ба нэмэлтэнүү оруулагдаха ёһотой. Жэшээлхэдэ, Буряад Республикын арадай сүүдүүдэй судьянарые Буряад Республикын парламент - Арадай Хурал баталдаг Конституци соогоо бэшэһэн байгаабди. Хэрэгжэй эндүүтэй гэжэ элэрээ һэн. Ушар тэдэнэй энэ адуугаа заһажа, республикын судьянарые Арадай Хуралай сессинүүд дээрэ шалгалга ябадал болуулагдажа, Конституциин хуули хубилгаха болодог.

Харин мүнөө Конституционн суглаан тухай хуулин зарим тэдэ дэлгэрэнгыгээр хөөрөхэ зорилго тэдэнэй Юундэб гэхэдэ, энэмнай шэнэ юумэн ааб даа.

Россин Федерациин Конституци соо нэмэлтэнүү суглаан тухай бэшэгдэһэн Конституци гэхэһэе Россин парламент нэмэлтэнүү суглаан тухай хуули баталан үндэстэнэй байһаар. Зүгөөр Арадай Хурал энэ хуулин проектые хоёрдохийо сесси дээрэ баталан хэлсэхэеэ байна. Ямаршые хуули баталан абтадаггүй гээд хануулха үндэстэнэй. Конституционн суглаан тухай хуули энэ тоодо оролсоно бшуу.

Буряад Республикын Үндэстэн Хуули - удаан хэрэгжүүлэгдэн хубилгадангүй "ажаллажа" байха үндэстэнэй шухала документ гээшэ ааб даа. Ушар тэдэнэй Конституцида хубилалганууд ба нэмэлтэнүүдые оруулха эрхэ Конституционн суглаанга олгогдохо байна. Гэхэһэе Конституционн суглаан ямар эрхэ үндэстэнэй байхаб гэхэн асуудалые тон хэрэгжүүлэгдэн шийдэхэ хэрэгүүдэй нэгэн хэрэгжүүлэгдэн байна. Минии ханахада, Конституционн суглаан республикын Үндэстэн Хуулида гансал баталанууд болон нэмэлтэнүүдые оруулха үндэстэнэй мүн шэнэ Конституци зохёохо, баталанууд эрхэтэй, эрхэ түлөөлэгдэтэй байха ёһотой. Асуудалаар Арадай Хуралай хуули сахилгын



2 талаар мэргэжэлтэд болон бусадшые хэдэ хэдэн юристнүүд ондоо хангал бодолтой байна. Тиигэбэ яабашые Арадай Хуралай депутатууд эсэсэй шийдэхэбэри болохоёо байһан сесси дээрэ абахаяа байна ха юм.

Дэлхэйн олон гүрэнүүдтэ Конституционн суглаан (зарим ушарта ондоошые нэрэтэй байдаг) бии. Тэрэ суглаанай гэшүүд бүхэ хунгагшадай нюусаар дуугаа үгэлгын ашаар бүридхэгдэдэг. Конституционн суглаанай гэшүүдэй тоо олонхи ушарта парламентын гэшүүдэй тоотой адирхуу байдаг. Буряад Республикын Конституционн суглаанай гэшүүд 100 хүнһөө бүридэхэ гэжэ проект соо даб дээрэ бэшэгдээд байна. Арадай Хурал энэ асуудалаар мүн лэ тодорхой харюу үгэнэ бээ.

Конституционн суглаан харин гүрэнүүдтэ ондо ондоо эрхэ түлөөлэгдэтэй байдаг. Зарим конституционн суглаан гансал хубилалганууд ба нэмэлтэнүүдые Конституцида оруулдаг, зарим тиимэ суглаанууд Конституци зохёохо, бүхэ дээрэнь хубилгаха эрхэ түлөөлэгдэтэй байдаг. Зүгөөр манай республикын Конституционн суглаан бусад оронуудай дүй дүршэлые, найшталтай зүйлнүүдые халан абажа нэбтэрүүлхэ ёһотой гэжэ хананаб.

Республикымнай Үндэстэн Хуулин 1-дэхи, 2-дохи, 10-дахи статьянуудта Арадай Хурал хубилалгануудые оруулха эрхэгүй юм. Конституционн суглаан эдэ статьянуудта хубилалгануудые оруулха эрхэтэй гэжэ Правительствын, Юстициин министерствын зохёһон проект соо заагдана. Даб дээрэ Буряад Республикын Конституционн суглаан тухай хуулин хэдэн проект бии.

Ямаршые ушарта Конституционн суглаан Буряад Республикын Конституци соо заагдһан бүхэ хуули ёһонуудые улам батадхаха шэглэлтэй гэжэ онсолоё.

Б. БОТОВ,

Буряад Республикын юстициин министр.

ДЕПУТАДТА КАНДИДАДУУД БҮРИДХЭЛДЭ АБТАБА

Буряад Республикын хунгуулин комисси "Буряад Республикын Арадай Хуралай депутатуудай хунгалта тухай" Буряад Республикын Хуулигай зохилдуулан, Стеклозаводской хунгуулин 65-дахы округһоо Арадай Хуралай депутата кандидатууд:

Назаренко Владимир Леонидовиче (1945 ондо түрэхэн, "Амфора" гэжэ ажиллаһан булгэмэй директор, бүлэг хунгагшадаар дэбжүүлэгдээ, Улаан-Үдэ хотодо ажаһуудаг),

Павельев Дмитрий Анатольевиче (1962 ондо түрэхэн, "Эдем" гэжэ хизаарланги харюусалгатай нэгэдэлэй директор, "Бурядай эрхэтэдэй эблэрэл" гэжэ хунгуулин нэгэдэлээр дэбжүүлэгдээ, Хяагта хотодо ажаһуудаг) байгша оной сентябриин 5-да бүридхэлдэ абаба.

Хотын үбэлжэлгэдэ бэлдэлгэ тухай

АЖАЛ ДЭЭРЭЭ ЭБТЭЙ ХҮДЭЛНЭЙ

Би үндэр наһа эдлэжэ ябаһан хадаа яһалал юумэ үзэхэн, адаглаһан хүн гээшэб гэхэб. Бомбо, буугай һомон доршые, тэрэ буруушаадаг "зарсалта зогсолтын үедэшые" үндэһэ яһатанай илгаа харангүй, гансал гүрэн түрынгөө аша туһада амгалан ажалаа хэжэ ябахадаа, ехэл найдамтай сагта ажаһууһан, жаргалтай хүн гээшэб гэжэ ханадагби.

Һүүлэй арбан жэлэй туршада яатаргаа юумэ хубилшаба гээшэб? Саг соогоо пенсиеэ абажа шадахаа болиһон сагта холо ябажа шадахагүй, гэртээ һууха гээшэ тиимэшые таарамжатай юумэн бэшэ. Хүршэнэрһөө гадуур алтан дэлхэйтэй харилсаха юумэмни гансал радио, хүүгэдэим асаржа үгэхэн газетэ бологшо.

Нютаг соогоо ажалай хэгдээгүй сагта орон доторхи байдалнай найжарха гэжэ этигэхэ юумэн байхагүй. Мэриин олохондээд тушаалтад, жэшээлхэдэ, В. А. Шаповалов, А. П. Фирсов, В. И. Куриленко, П. Г. Зильберман гэгшэд булта хари гүрэнөөр айлшалаа, аяншалаа гэжэ Президентшые, зоншые мэдэнэ ха юм. Гэн гэлэй ябажа ерээд, дайнай үеынхидэл, "сүүдхэлэн кабинедһээ гарангүй А. П. Фирсов хүдэлөө. Би үдэр

һүниие мэдэнгүй, үбэлжэлгэдэ бэлдэхэлгын объектнүүдые шалгажа ябаһаар, инфаркт абааб" гэжэ хотын мэр В. А. Шаповалов сентябриин 4-нэй "Бурятия" һониндо бэшэнэ. Тэрэнэй мэдүүлһэнэй ёһоор орден хайра барюулхаар хэрэгээ эмхидхэнэ гэжэ ойлгохоор. Харин үнэн дээрээ...

Гэм самгүйгөөр городоо үбэлжүүлхэ хүдэлмэриин бүтээл хаа, хайн юм һэн бээ. Гэхэшые энэ мүнгэн хангай хомордоһон сагта гүйсэд бүтээгдэшэхэ гэжэ этигэхэнэ бэрхэтэйл байна.

Демократис гуримда орожо, ханаһан байһанаа хэлэхэ, шадаха зэргээрээ ажаһууха аргатай болободди гэлсэхэ юм. Өөрынгөө хангал хэлэһэнэйн түлөө орлогшоёо ямар шэрүүнээр хэһээжэрхибэ гээшэб? Иимэ хүшэр сагта ажалһаамнай аха юумэн үгы бшуу. Иимэрхүү жэшээнүүдые дээдэ тушаалтадай удаа дараалан харуулжал байха болоо хаань, 37 оной хашалган-хамалганай үеын гэхэришэхэнэ гайхалгүйл. Иимэ аша би буруушааха байнаб. Яһанай илгаае харангүй, хүн бүхэн ажал дээрээ эбтэй хүдэлһэй гэжэ хэлэхэ байнаб.

Е. ДЫМБРЫЛОВ,
дайнай ба ажалай ветеран.

байгаль шадарай нюутагчудта



ЭДИР БЭЛИГТЭЙШҮҮЛ НҮХЭДЭВ УРИНА

Эрдэм нуралсалай, Соёлой министрствэнүүдэй дэмжэлгээр эмхидхэгдэн "Бэлигтэй үхибүүд" гэнэн хургуули-лаборатори 4-дэхи жэлээ республика дотор хүдэлнэ. Мүнөө зун эдир бэлигтэйшүүл Дээдэ-Онгосгойн бээсэ найжаруулгын "Салют," гэжэ лагерта суглараа. Эндэ үхибүүд уран зурагай, аялга дуунай, журналистикын хэшээлнүүдтэ түрүүшын туршалгануудые хэжэ, үетэн нүхэдтөө ажалаа харуулаа, материалнуудаа зүбшэн хэлсээ. Сэгнэлтэ табидаггүй иимэ хэшээлнүүдтэ үхибүүд дуратайгаар ябахандаа, элдэб аашатай баян нанал бодолоо зураг дээрэ зуража, багшанартаа харуулха аргатай байгаа.

Үдэр бүри нонин хүнүүдтэй уулзалгануудые үнгэргэхэдэ, хэды гоё гэшэб. Иимэ уран найханай халаанда амархын тула үхибүүд уран найханай конкурснуудта хабаадажа, шэлэлгэ гараа юм. Мүнгэнэй дуталдананай шалтагаанаар конкурсно дахадан зарим илагшад энэ лагерь ержэ шадаагүй. Тиймэхээ Сэлэнгын аймагай 11 үхибүүдэй ерэхэдэ, ехэ байрлаабди. Республикын элдэб аймагуудай бэлигтэй үхибүүд энэ лабораторидо сугларжа танилсаад, бэе бэеынгээ ажабайдалаар

нонирхожо, шэнэ мэдэсэнүүдээ хубаалдана гэшэ. Журналистикын хэшээлнүүдтэ ухаалан зохёохо талаар тестировани хэгдэхэдэ, Новоселенгинскын дунда хургуулийн хурагша Сергей Дымбрылов 13-14 наһанайхидай дунда найн дүнгүүдые туйлаба.

Сибириин эдир корреспондентнүүдэй н у р г у у л и и н программаар манай лаборатори ажалаа ябуулхадаа, республикын телевиденээр лагерь тухай дамжуулга бэлдээ. Гадна Ноёхойной дунда хургуулийн хурагша Цырен-Дулма Рабданова "Бэлигтэй үхибүүд" гэнэн программын хүтэлбэрилэгшэ, искусствын академиин доцент Г.К. Олзоеватай нонирхолтой интервью хэбэ. Новоселенгинскын дунда хургуулийн Инесса Борисовагай бэлдэнэн репортаж бултанай найшаалда хүртөө. Саяна Дамбиева, Ринчина Санжиева, Ира Доржиева, Сергей Ангархаев, Дарима Цыдендондокова, Саяна Бальжинимаева гэгшэд



аятайгаар, зохидоор бэшэнэд гэжэ тэмдэглэгдээ. Саашадаа Сэлэнгын аймагай эдир бэшэгшэдэй материалнууд "Буряадай залуушуул" гэнэн газетэдэ толилогдохоор хараалагдана. Зүгөөр энэ аймагайхид эдир бэлигтэйшүүлээрээ омогорхожо, саашадаа тэдэниие, дэмжэхэ гэжэ найданабди.

Людмила ДОРЖИЕВА,
"Буряадай залуушуул"
газетын редактор.
ЗУРАГ ДЭЭРЭ: Гусиноозёрск хотын эдир бэшээшэд; поэдүүд Б. Дугаров, Т. Гомбожапов, Г. Олзоева эдир бэшэгшэдэй дунда.

Хотын Хүүгэдэй уран найханай байшанда 20 гаран кружок эмхидхэгдэнхэй юм. Сентябриин 2-ноо эндэ хургуулийн, саадай хүбүүд, басагад сүлөөтэй сагтаа ержэ, хатар нааданай, бэе хорилгын, бусад уран найханай кружогуудта

ябаха аргатай. Сентябриин 6-да эгээл олон хүүгэд хатар нааданай, журналистикын кружогуудта бэшүүлэн байна.

Манай корр.

ОРЁО БАЙДАЛ ӨӨРЫН ОНСО ШЭНЖЭТЭЙ

Эрдэм мэдэсын үдэрөөр нуралсалай шэнэ жэл эхилбэ. Түрүүш хэшээлнүүдтэ урьалхан хонхын абяан Улаан-Үдын хүдэлмэрийн залуушуулай хургуулида эдэлээ. Энэ хургуулийн ажабайдалаа мүнөө сагай хубилалтанууд ехэ нүлөө үзүүлээ. 50 гаран жэлэ саана байгуулагдаһан хургуулида хүүлэй 7 жэл завучаар хургуули байһан Л.А. Асееватай манай корреспондент Е. ЦЫБЕНОВА уулзажа, мүнөө үеын ажабайдалаарнь нонирхобо.

- Людмила Алексеевна, үнндөө иимэ хургуулида залуушуул ажалынгаа хажуугаар хурадаг байгаа. Мүнөө тиймэ зандаа гэшэ гү?

- Манай хургуулида ажал хэжэ байгаад хурадаг залуушуул үсөөн, нэгэ хэды юм. Мүнөө эндэмнай олонхид дунда хургуулиа хаяһан, тулюур байдалтай гэр бүлын үхибүүд, хуулийн наһа гүйсөөгүй үхибүүдэй инспекцийн харууһанда табяатай хүүгэд хурана.

Байдалай муудаха бүри манай хургуулида хурагшад олошордог юм. Дүрбэн жэлэй саана 7-8-дахи классуудые нээхэ баатай болообди. Эдэ классуудта зааха гэшэ эгээл хүндэ. Ушоошье томоотой болоогүй дээрэһээ хэшээлнүүдтэ ёһоор ябанагүй, энэл ушарһаа гэртэхинтээ муудалдана. Ахамад классуудта ондоо юм ааб даа. Хураха хүсэлтэй, бидэ тэдэндэ өһөдын талаһаа элдэб курсуудые эмхидхэжэ, нуралсалай хажуугаар зарим мэргэжэлнүүдтэ хургадабди. Нуралсалай хүдэлмэрийн комбинадтай хэлсээ баталжа, 10,11-дэхи классай хурагшад тэндэ секретарь-машинисткын, медсестрагай, слесариин, дарханай мэргэжэлдэ хураха аргатай.

Энэ жэлдэ хэды хурагшадтай, хайшан гэжэ нуралсалаа ябуулнат?

- Гурбан халаанда 500 гаран хурагшад хурана. 9 нуралсалай кабинеттэ 28 класс хураха болоно. Тиймэхээ багашуулай хэшээлнүүд үглөөнһөө эхилнэ, 2-дохи халаан 12 саһаа, 3-дахи халаан 4 саһаа үдэшин 8 саг болотор юм. Очно, заочно, түргэн нуралсалай классууд байха. Улаан-Үдэдэ үдэшин хүдэлмэришэдэй хургуули гэжэ 4 хургуули үлөө. Манай авиазаводой ба хуулийн наһа хүсөөгүй хүүгэдэй колонида 2 тусхай хургуули, бии юм. Булташье номдоо муу гэхэнь аргагүй. Нуралсалай классуудта бэрхэ хурагшад хурадаг, хургуулийн хүүлээр институт, техникумдэ орохо хүсэлтэй байдаг юм.

- 28-класста хэды багшанар хүдэлнэ гэшэб?

- Манай хургуули юрын

хургуулинуудһаа тад өнөө гэшэ. Багша хурагша хоёрой хоорондо өөһөдын хайр харидсаан байха ёһотой, 7-8-дахи классай хурагшад түргэн хубилдаг хүндэ зантай байдаг юм. Жэшээлбэл, энэ мүнөө түрэлхидэй асарһан Тимур К. хүүлүн 17-дохи хургуулида 2 жэл 7-дохи класста хурагшад гурбадахи жэлээ "гэртэ хургуулида хурахагүй" багшанартаа тааранагүй" гэхэдэнь, манда асарба. Илөө ушарһууд жэл бүри болодог юм. Тиймэхээ манай багшанар анхаралтайгаар хурагшад бүхэндөө хандадаг. Манай хургуули хаяа наа, хайшаа ошожо хураха гэшэб? Ерээ сагта үшөө хүндэ болоно бэлэ энэ байдалай хүлгөөн ёһоо эдэнэртэ "ажамидарха" эхэ хүндэ.

Хургуулидамнай 20 багша хүдэлдэг юм. Олон жэлэ туршада хүдэлөөд, нёдондоо жэл наһанайнгаа амаралтада О.П. Степанова гараа. Дүй дүршэлтэ литературын багша Т.П. Коновалова, Г.Ф. Грехова, З.И. Калёнова, В.Р. Номогоева гэгшэ 5-7 жэлэй туршада хургуулида хүдэлнэ. Мүнөө жэл дээдэ хургуули дүүргэнэн залуу багша В.А. Ильин түүшн хэшээлнүүдые заажа эхилнэ. Хурагшадта анхаралаа өгөхө хандуулжа хүдэлдэг Валерий Борисович, Мотошкин хүмүүжүүлгын талаар орлогшоор олон жэл хүдэлмэрилнэ.

- Мүнөө үеын хэмжээтэй хүндэ, харюусалгатай ажал болонот. Эдээ хоолоор, хубсаа хунараар дуталдан үхибүүд эрдэм шудалха зоригтэй байжа болохо...

- Үнэхөөрөөл, үбэлдөө зарим хүүгэднай хургуулида ябадаггүй, үмдэхэ дуурай хубсаа үгыбди гэжэ хэлдэг юм. Харин ямаршье байдал тохёолдоошье наань, дүр хургуули дүүргэбэл, саашаа хуби заяагаа шиндэхэ боломжо олохо гэжэ хургуулида хургуулида хургуулида Ерээдүйнгээ найдал, эгээл алдаагүй наань, найн гэшэ.

- Танай хүсэл үнэхөөр болоһой, баярые хүртэ бултанатнай найн байхал хүсэнэб.

Соёлой һонин

БУРЯАДАЙ ЦИРКЫН ТҮРҮҮШЫН АЛХАМУУД

Х. Намсараевай нэрэмжэтэ гүрэнэй буряад драмын академическэ театрта буряад арадай үндэһэн соёл, ёһо заншал, хэлэ һэргээхэ, улам хүжөөхэ зорилготойгоор "Алтан соёмбо" гэхэн программа зохион байгуулагдаһан юм. Тус программын хэр бэлдүүлэгдэжэ байһаарнь театрай директор Майдары Хайдапович Жапхандаевта хандабади.

- Майдары Хайдапович, мүнөө "Алтан соёмбо" гэжэ программаар ямар ажал ябуулагданаб?

- Манай театр "Алтан соёмбо" гэжэ программаар Бүгэдэ буряадай үндэһэн соёлой эблэлтэй, республикын Эрдэм һуралсалай министерствэтэй, Буряадай гүрэнэй университеттэй болон бусад эмхинүүдтэй хамта хүдэлнэ. Манай эдэбхи үүсхэлээр 1991 ондо Улаан-Үдэдэ монгол туургата арадуудай драматическа театруудай түрүүшын уласхоорондын фестиваль эмхидхэгдээ һэн. Эндэ Монголой, Хальмагай, мүн Буряадай түлөөлэгшэд хабаадаа хааб даа. Энэ һайндэрэй үрэ дүнгүүдэ согсологдожо, фестиваль заншалта болгохо гэхэн дурадхал нэгэн дуугаар дэмжэгдэһэн байна. Тиймэһээ 1993 ондо II фестиваль Монгол ороной Улаан-Баатар хотодо Буряадай, Монголой, Хальмагай,

Үбэр-Монголой театрууд зүжэгөө табиа, дүй дүршэлоо андалдаа. Удаадахи үйлэ хэрэг Элистэ хотодо үнгэргэгдэхөөр хараалагданхай.

Нёдондонһоо Улаан-Үдын һургуулинуудай эхин классуудай һурагшадта зориулагдаһан зүжэгүүдые буряад хэлэн дээрэ табинабди. Мүн үхибүүдые зүжэг нааданда хабаадуулнабди. Иимэ үйлэ хэрэг үхибүүдэй хэлэ хүжөөхэ, ёһо заншал ойлгуулха зорилготой юм. һуралсалай шэнэ жэлһээ һургуулинуудаар ябажа, зүжэгүүдые харуулжа эхилэхэбди.

Мүнөө зун июль һарада Бурдрамын артистнар Саян ба Эржена Жамбаловтанай хүтэлбэри дор байгуулагдаһан буряад дуунуудай "Урагшаа" гэжэ бүлгэмэй түрүүшын концерт табигдажа, хотынхидые баясуулаа һэн. Тус бүлгэм байгуулха хэрэгы Буряад Республикын Залуушуулай

хэрэгүүдэй, спортын ба аяншалгын талаар гүрэнэй комитет ехэ дэмжэһэн, тэдэнэртэ ехэ туһа хүргэһэн байна.

- Буряад театрта цирк байгуулагдаха гэшэнэ зүб гү?

- Байша орой май һарада цирк байгуулахын тула 6-тайһаа 17 хүрэтэр һананай үхибүүдые дураарнь суглуулан бүридхэжэ, эдэнэй эгээл бэлигтэйшүүдые шэлэхэ ёһотой байгаабди. Монгол циркын мэргэжэлгэдтэй мүнөө зундаа шэлэлгын хоёр тур үнгэргэжэ, эгээл шуран, нугархай үхибүүдые элирүүлээд байнабди. Октябриин 1-һээ удаадахи гурбадахи турай ажал захалха. Энэл һүүлшын "дабаае" гатадһан бэлигтэйшүүл Улаан-Үдын соёлой болон искусствын училищин циркын студиа 3 жэлэй туршада циркын нюусануудтай танилсаха. Эдэнэр училищи дүүргэһэнэй удаа Буряадай гүрэнэй академическэ драмын театрта буряад арадай түрүүшын циркын үндэһэ һуури табиха болоно.

- Майдары Хайдапович, буряад арадай үндэһэн соёл, ёһо заншал, искусство һэргээхэ зорилготойгоор байгуулагдаһан "Алтан соёмбын" аян замынь үргэн байг!

СПОРТ

СПОРТ



ТОБШОХОНООР...

ХҮНГЭН АТЛЕТИКЭ. Олимпини халаанай хүүгэдэй спортын I-дэй һургуулин байгуулагдаһаар 50 жэлэй ой эдэ үдэрнүүдтэ гүйсэжэ байна. Энэ һургуули олон мянган хурдан солбонхүүдэ, басагадые һурган хүмүүжүүлжэ, ехэ спортдо гаргаһан намгэртэй. Эдэнэй дундаһаа СССР-эй спортын мастер Татьяна Позднякова, Россиян спортын габьяата мастер Надежда Мироманова, уласхоорондын классай спортын мастернууд Павел Яковлев, Александр Костецкий, спортын таби гаран мастер эндэһээ урган гараһан байха юм. Энэ һайндэртэ зориулагдаһан эдиришүүлэй дунда хүнгэн америкээр республикын түрүү һуури эзэлхын түлөө мурьсоон сентябриин 13-14-дэ Буряад Республикын 25 жэлэй ойн нэрэмжэтэ стадион дээрэ үнгэргэгдэхэ.

ҺУРХАРБАЛГА. Россия зүүн хубидахи область, хизаар болон республикануудай мэргэшүүлэй дунда һур харбалгаар ороной Куботга хүртэхын түлөө мурьсоон Улаан-Үдэ хотын "Спартак" стадионий сагаалса дээрэ үнгэргэгдэжэ байна. Хабаровска хизаарай, Шэтын болон Эрхүүгэй областнуудай, Агын ба Усть-Ордын автономито округуудай, Буряад Республикын командауудай 60 мэргэшүүл хабаадана. Эдэнэй 35-ниинь эрэшүүл, 25-ниинь эхэнэрнүүд юм.

Түрүүшын үдэр эрэшүүл 90 болон 70 метрһээ, эхэнэрнүүд 70 болон 60 метрһээ харбаба. Эрэшүүлэй дундаһаа манай

республикын түлөөлэгшэд дүү хоёр Бальжинима болон Бэлигтэ Цыремпиловууд Андрей Ермолов, Шэтэһээ Буряад Бадмаслов гэгшэд түрүүлжэ ябана. Эхэнэрнүүд соһоо манай республикаһаа Жанна Тухалова, Елена Ефремова, Хабаровскай Анна Фурцева гэгшэд түрүү һуури эзэлнэ. Куботга хүртэгшэд сентябриин 14-дэ тодорхо байна.

ДААМ. Нэгэдэхи лига даамшадтай дунда Россия түрүү һуури эзэлхын түлөө мурьсоон Пермь хотодо дүүрбэ. Энэ мурьсоондэ 20 хүн хабаадаһан байгаа. Манай республикаһаа Россиян спортын мастернууд Владимир Еланов, Баяр Ринчинов гэгшэд нимэ ехэ мурьсоон хабаадаха эрхэдэ хүртэһэн физкультура ба спортын комитедэй мунгэгүүдэй дээрэһээ Баяр Ринчинов гансаараа энэ ехэ наадаха хабаадаһан байгаа. Тэдэ Баяр Ринчинов зургаадахи буури эзэлжэ, ерэхэ жэлдэ орондо дээдэ лигэдэ наадаха эрхэ хүртэбэ. Гадна тэрэ мэргэжэл шадабария дээшлүүлжэ рейтингэ 2500-да хүргөө.

Б-М. ЖИГЖИТОВ. ЗУРАГДЭЭРЭ: эхэнэрнүүд дунда шатараар Буряад Республикын 10 дэхи чемпионка, спортын мастер кандидат, Зүүн Сибирин технологическа университетин доцент, ветеринарна эрдэмт кандидат Лубсама Аранзаева Гармаева. Ц. ЦЫРЕНЖАПОВАЙ фото

Туһатай зүбшэл АМГАТАЙ...

Мүнөө шэнэ хартаабха эдижэ эхилбэ гээшэбди. Тиймэһээ хартаабха шанаха, шарахадаа, яагаад амтынь бүри һайжаруулха тухай хоорлдэе.

Хартаабхатай уһан соо нэгэ халбага тоһо хэжэрхибэлгнэй, түргөөр болохо. Хартаабхын амта һайжаруулхын тула бусалха үедэһи уһан руу нэгэ һонгино, чесногой 2 хомхоол гү, али лаврын набшаһа нэмэхэ хэрэгтэй.

Шарахаһаа урид хартаабхыа һайтаар хатааха шухала. Энэһэнэй тула хэршэһэн хартаабхыа полотенци гү, али салфеткэ дээрэ тараагаад хатааха. Тийгээгүй һаа, нойто ехэтэй хартаабха шарахада, амгатай хальһатай болодоггүй.

Хартаабхаар алаади шарахага түхөөрбэл, үрэгдэһэн хартаабхынгаа харлахагүйн тула багахан халуун һү нэмэжэрхидэг юм.

Пюрегэй амгатай байхын тула шанаһан хартаабхыа урид һанса хатаагаад, удаань тоһо, һү болон һайнаар худахадаһан түүхэй үндэгэ нэмэхэт.

Хэрбээ шорэдэ хартаабхын бусалһан уһан оролсоһоо һаань, шорө хүбхэгэр сагаан болодоггүй. Харахада, аятай болохын тула тоһо, үндэгэ нэмэхэһээ гадна һүнэй орондо зөөхэй нэмэбэл, дээрэ гэжэ тоологдодог юм.

Шэнэ хартаабха арилгаһаа урид хэдэн минутын туршадэ хүйтэн уһан соо байлгаха хэрэгтэй. Тийхэдэ хартаабхын хальһан һайнаар абтадаг. Хутагаар хальһыень хуулахын орондо шёткоор шударжа арилгабал, дээрэ, Пюре хэхэдэ, шэнэ хартаабха таарадаггүй.

Т. САМБЯЛОВА хэблэдэ бэлдэбэ.



Алим жэмэс, һархяаг түүхэ һайхан хана. П. БУРМАКИНАЙ фото

Эмхидхэн байгуулагшад - Буряад Республикын Президент, Арадай Хурал болон Правительство

Table with 4 columns: Редактор А.Л. АНГАРХАЕВ, Редакция, Манай адрес, Газет хэблэлэй 2 хуудалан хэмжээтэй, "Республиканска типографи" гэжэ АО-до газетэ хэблэгдэ.

Редакциин телефонууд: редакторай - 2-50-96, приёмнын - 2-54-51, редакторай орлогшын - 2-68-08, харюусалгата секретарини - 2-50-52, секретаридайд - 2-62-62, таһагууд: нийтлэл, политическэ - 2-55-97 (даагшань), 2-61-35, 2-56-23, социально-экономическа - 2-64-36 (даагшань), 2-63-86, 2-61-35, 2-67-81, соёлой, эрдэмтэй болон һургуулинуудай - 2-60-21, (даагшань), 2-57-41, олонийтын хүдэлмэрини ба мэдээсэлэй - 2-54-93, (даагшань), 2-34-05, 2-69-58; орнуудын - 2-67-81; корректорнүүдэй - 2-33-61, компьютерна түбэй - 2-66-76. Манай корреспондентнүүд: Агинскда - 42-19; Закаменскда - 30-61. "Бурятия" хэблэлэй телефонууд: директор - 2-49-94, бухгалтерн - 2-23-67, вахта - 2-35-95.